

- No ta permití pa pone “driehoeksorden” òf “sandwichorden”.
- No ta permití pa pone propaganda ku zonido.
- Propaganda den forma di bandera ta permití solamente den área di negoshi òf área di tienda, ku eksepsjon di sentro di siudat.
- No ta permití propaganda ku no ta di material sólido i duradero.
- No ta permití parker vehíkulo, trailer i/òf otro ophetonan mobil, ku propaganda riba dje, riba òf banda di kayanan públiko. Esaki ta permití solamente riba tereno nan di parker.

Kontakto

Bo por drenta kontakto ku nos na e siguiente manera:

+5999-4333200
info.vvrp@gobiernu.cw

www.gobiernu.cw



MINISTERIO DI
TRÁFIKO, TRANSPORTE I PLANIFIKASHON URBANO

**PROPAGANDA
POLÍTICO**

Bo ke pone propaganda den área pùbliko en konekshon ku elekshon?

Pa pone propaganda den área pùbliko en konekshon ku elekshon, bo no tin nodi di entrega petishon pa un pèrmit òf eksonerashon, ya ku e propaganda ta temporal.

Por pone propaganda for di dia di entrega di lista te ku ocho dia despues di elekshon

(Esaki no ta konta pa propaganda riba tereno privá)

E propaganda mester kumpli ku kua eksigensianan?

E propaganda no tin mag di:

- kousa daño físiko na kaya òf ophetonan den área pùbliko,
- forma un estorbo pa e uso efisiente di área pùbliko,
- opstakulisá e aksesibilidat di e área pùbliko,
- forma un opstákulo pa siguridat den tráfiiko,
- stroba e mantenshon di e área pùbliko,
- forma molèster òf sushedat,
- hasi daño na e bista di e área pùbliko.

Otro eksigensianan ku mester kumpli den kuadro di òrdu pùbliko ta:

- Propaganda iluminá, propaganda riba dak i leshi di dak, òf propaganda vertikal riba mas ku un piso ta permití solamente den áreanan di negoshi i áreanan di tienda, ku eksepshon di sentro di siudat.
- Propaganda ku ta move òf kambia, propaganda ku lus, inkluyendo “billboards” digital, por kousa peliger pa tráfiiko. P’esei, promé ku pone nan, mester konsultá ku UOROP tokante e sitio, e intensidat di lus, e frekuensia di kambio i moveshon, i e manera ku ta posishoná nan na lado di kaya. Asina UOROP por evaluá si e manera proponé ta pèrmitibel.
- No ta permití pa propaganda stroba bista di usarionan di tráfiiko de ningun forma. Esaki ta konta prinsipalmente pa krusadanan. No ta pèrmití pa propaganda ser poné di tal manera ku e ta tapa bòrchi di tráfiiko, lus di tráfiiko, etc., di tal manera ku e ta trese peliger den tráfiiko. No ta pèrmití pa pone propaganda riba rotònde.
- No ta permití pa pone propaganda na mobilario pùbliko, bòrchinan di kaya i di tráfiiko, solamente na palu di lus (no na mata den área pùbliko), i e mester wòrdu pegá di tal manera ku e por wòrdu kita fásilmente despues.